

A2^r

2

Der Erbaren
vnd Tugendrychen frau
wē Salome Dormanin/ deß from
men Eerenuersten herren Vincen-
zen Pfifters wyland deß Radts
zû Bern/ verlaßner wit-
frauen/ 7c.

GNad vnd frid
von Gott/ durch vn-
seren Herrē Jefum
Chriftum/ Iye alle
zyt mit eüch. Er-
bare vnd Tugendryche frauw/ es
habend die Artzet ein zyt har/ vil
Büchlin im Truck vßgon laffen/ da-
riñen Iy anzeigend/ was man für
ein Regiment vnd ordnung halten
fölle/ damit man sich vor der Pestil-
lentz bewaren möge/ item mit was
artzney die selbig zû heilen Iye/ da

A ij

A2^v

Vorred.

ein yetlicher fyn beft gethan darūm
er auch billich fol gerũmpft werden.
Jch hab aber deren bũchlinen nit
vil gefáhen/ in welchen vß heliger
Góttlicher gefchrifft deß Alten vñ
Neuwē Teftaments/ anzeigt wer
de/ wie man ſich in diſen Iſerbenden
lõuffen halten/ vnd gâgen Got ſchi
ckē ſólle. Hab deßhalb diſe predig/
in welcher ich anzeigē/ wie Got die
Peftilentz/ vmb vnſer fünden wil
len/ über die vnbũßfertig wãlt ſen
de/ item wie man ſich dariñen hal
ten ſólle/ zũ vnderricht vnd troſt dē
gmeinē mañ/ wellen vßgan laffen.
Dañ es iſt mee an der feelē heil/ dañ
an deß lybs gfundheit gelâgen. Vñ
wiewol vil ander ſind/ die ſómlichs
besser hetten móggen vßrichtē/ achtē
ich doch/ wie man in waffer/ füwrs
vnd kriegs not/ von einem yettlichē
vergût hat/ der ſich herfür ſtelt vnd
fyn beftes thût/ alfo werde auch diß
mein ſchreibē in gâgenwirtiger not
mir niemand übel vßlegen.

Die

A3^r

Vorred. 3

Die ander predig von der Pestilē-
lentz/ hat der heilig Cyprianus/ Bi-
schoff zů Carthago (der vnder dem
Keiser Valeriano/ vngefar als mā
zalt vō Chriffti geburt 261. jar/ von
deß Chriftenlichen glaubens wā-
gen mit dē schwārt ift gerichtet wor-
den) vñ die zyt beschribē (wie Hie-
ronymus in syner Chronick anzei-
get) als die Pestilētē zů Alexādria/
vñnd in Aegypto vñd mithin auch
die veruolung gewütet hat. Dar-
von Euseb. im 7. Būch/ am 22. cap.
schrybt. Dife predig hab ich/ nach
meinem vermōgen verteütlicht/ da-
mit man fāhe/ wie die Altē Leerer/
der wālt zur zyt der Pestilentz zůge-
sprochen habind. Dife beid predigē
aber hab ich/ Eerfame Tugendry-
che Fraw/ vñder üwerem namē da-
ruñ vßgan lassen/ damit jr fāhind
daß ich der vilfaltigen gůthatē/ fo
jr vñd üwer lieber herr fālig/ als er
zů Künigsfelden Hofmeister ge-
wāfen/ mir vñd anderen Predican

A iij

A3^v

Vorred.

ten von Zürich bewyfen/ noch nit
vergäffen. Demnach das dise predi
gen den jhânigen/ so üweren herren
fâligen kendt/ auch defter anmû
tiger werind/ daß er in fürderung
deß Göttlichen worts/ vnd in ande
ren tugendē verrumpt vñ deßhalb
vilen eerenleütē lieb vnd angene
mwesen iſt. Bitten eüch fründtlich/
wellind diß mein einfalt zûſchrybē/
von mir/ wie es beſchâhen/ im beftē
verfton. Dañ eüch als ein kleinfü
ger zedienen/ were ich gütwillig.
Hiemit eüch in dē ſchirm Gott deß
allmächtigen trüwlich befelhende/
der eüch in allem üwerem anligen/
gnedigklich tröften wölle. Mein
fründtlicher lieber H. Schwâher
M. Heinrych Bullinger ſampt an
derē Predicantē laffend eüch frünt
lichen grützen. Datum Zürich vff
dē 8. tag Mynmonats Anno 1564.

V. W.

Ludwig Lafater diener der
Kirchen Zürich.

Ein